

# Ebaibuli kanuka idwe eyangaunit

## Edau Edeke aisub iboro kere



Ekewadikan erai: Edward Hughes  
Eketacaunan erai: Byron Unger; Lazarus  
Loitapatanit erai: Bob Davies; Tammy S.  
Ekejulan erai: Pastor Robert Ewangu  
Eketolomunan erai: Bible for Children  
[www.M1914.org](http://www.M1914.org)


BFC  
PO Box 3  
Winnipeg, MB R3C 2G1  
Canada

©2012 Bible for Children, Inc.

Apedor: icamakinitai jo aitolomun akiro nu,  
aria mam jo itolomuni kes kanuka aitwegel itunga.


1

Ingai kesubi oni? Ebaibuli, akirot naka  
Edeke, itetemi epone loalibuniata itunga. Apakio  
nuageunete abu Edeke kosub etunganan losodit  
kosodi aimai kin ekekiror Adam.



2

Kosub Edeke Adam kotoma apua nuka alup. Kedau Edeke aiyengakin Adam ajar, abu ngesi ojaun ka ajar. Kosodi ngesi adumun ebe, ajai Omanikor loalai noi loanyaritari Eden.



3


Eriko Edeke esubuna Adam, abu ngesi kosub akwap nalai noi, kosodi aisileleb iboro luelaete toma. Kotoma ainapeta abu Edeke kosub iukon ka anya, aturo nueuru ma ka ikito luaojak ka ikweny luegelegela ka au, luecor ka lueliatos.



Kotoma abeit, abu Edeke kosub nginibore, ejai - nginibore.

4


Kotoma ageunet, komamei ibore kere yen esubit Edeke, amamei idiobore dimarai Edeke. Amameete itunga aria aboisio aria iboro. Amamei ibore cut. Amamei aica amamei amuton. Amamei kuju amameikwap. Amamei bian amamei moi. Aria Edeke bon loemamei ageunet nges ajai. Kosodi Edeke aisub!



Kotoma ageunet abu Edeke kosub akuj ka akwap.


5

Ido ajai akwap atai, komam etiakak; kojai amuton kokuju kaidules. Kobala Edeke ebe, "kojaun aica."




6

Kosodi aica ajaun. Komaik Edeke aica ebe Apaaran, ka amuton da Akuar. Kojaun atibong kojaun da atupuruc, ngin nges apaaran nasodit.




7

Kotoma apaaran nakiaret, koyau Edeke ikipi nuka angololin, kotiak angololin ka icorin nujaas kwap kapak. Kotoma apaaran nakiwuniet, kobala Edeke ebe, kotakan neeonit. Kojaun kwangin.




8

Kicorak Edeke anya ka atur ka ikui. Kojaun atibong kojaun da atupuruc, nging nges apaaran nakiwuniet.




9

Kosub Edeke akolong, ka elap, ka aacer numam itunganan epedori aimar. Kojaun atibong kojaun atupuruc, nging nges apaaran nakiwongonet.




10

Isuban lukecor ka agaria ka akweny kes araas luatupakinete kotoma ainapeta nuka Edeke. Kotoma apaaran nakikanyet kosub Edeke lukecor lukapolok ka ludidik, akweny nuka apak ka nukore. Abu Edeke kosub lukecor luegelegela kanuajaun akipi ka lueporitos kanu ajar kotoma apak ka angololin. Kojaun atibong kojaun atupuruc, nging nges apaaran nakikanyet.



11

Akaulo kangun, kiner bobo Edeke, kobala ebe, "kilwek akwap ngingibore yenejai ajar ..." ibaren ka yeneliat, ka etiang loka akwap koiponeke. Kojaunos itomei ka idokolen ka akinyanga. Ikur ka ikunyuko. Ekori ka ikapai. Abu Edeke kosub itiang luegelegela kotoma apaaran kangin. kojaun atibong kojaun atupuruc nging nges apaaran nakikanyetekape.




12

Abu Edeke kosub ibore ice kotoma apaaran nakikanyetekape - ibore yenetegelikina. Esikapikinitai iboro kere kanuka etunganan. Ajaas inyammat omanikor ka itiang kanuka aijanakin nges. Kobala Edeke ebe, "kasubutu itunganan kotoma aputowok. Kainakis nges ayait isuban kere ka akwap kere." **KOSUB EDEKE ITUNGANAN KAPUTOKE, KAPUTO NAKA EDEKE NGES ASUBUNIA ...**



13

Kicorak Edeke Adam ebe, "inyamenenei kwape ikotor araito ngolikitoi lokomanikor. Dimarai mam inyami nuka ekitoi loka ajenun nuejok ka nueroko. Naarai kapaaran nainyamia ngun itwani cut."




14

Kobala EJAKAIT Edeke ebe, "Mam ejok etunganan ajakut bon; asubakini eong nges ikengarakanan yenibusakinit" Koyangau Edeke ikweny ka itiang kere mama ejai Adam. Kimaanak Adam kes ikiriorai. Ibusakinit nges orai loaco noi tetere epedori aswam ngun. Konye komam edumakina Adam yenibusakinit.



15

Kitojoto EJAKAIT Edeke etunganan ajo nuipu, kojotoor. koditu amaram adiopet kanejai etunganan loajootoi, Kosub EJAKAIT Edeke aberu kamaran Adam. Aberu naabu Edeke kosub arai nakebusakinit Adam.



16

Abu Edeke kosub iboro kere kotoma apaarasia akanyikape. Kisirereng Edeke apaaran nakikanyetekaarai, kitalau; ngipengin nges ebworaria kaisubuke. Kotoma omanikor loka Eden ajaas Adam ka akeberu Keba kaiyalama naeleleba kotoma arimarit Edeke. Arai Edeke ekec EJAKAIT, ekekoranikec ido ekecepaper.



17

Edau Edeke aisub iboro kere

Awaragan na elomunit kanejai akirot naka Edeke, Ebaibuli,

edumunio kotoma

Ageun 1-2

"Naengarotor akonikiro itacaikinete."  
Isabulin 119:130

18

Awasia

1



60

19

Awaragan nakoBaibuli na ilimokini oni akiro nuikamunito Edekewok lokaumokin lokisubi oni ido loekoto ijo ajenun nges.

Ejeni Edeke ebe iswama oni iboro luarokok, luenyarit ngesi adiakar. Eropit loka adiakar nges atwanare, konye emina Edeke jo noi, abu ijuk okokuke loteluna, Yesu, atwanare omusalaba ka aiticanio kanuka arokisiokon. Abu Yesu ojaru okatwak kosodi adokar toma aku! Aria iyuu jo Yesu kosodi ailip nges aitim adikanaretakon, ebuni Ngesi aswam ngun! Ebuni ngesi aiboi tomakon, ido ibuni jo aiboi ka nges ikar kere.

Aria iyunit jo ebe erai na abeit, olim akiro nu mama ejei Edeke: Yesu lominat, eyuunit eong ebe irai ijo Edeke, obu oraun etunganan tetere itwani kanuka aronisika, ido kwana ijari jo, elipit olom toma otauka kosodi aitim numam adoliteka, tetere eong adumuni aajar nakitetet kwana, kasodi eong adiope paraan alosit aiboi ka jo ikar kere. Ingarakinai eong arimarit ijo ka ajarenen kanukon kwape ikonikoku. Amen.

Kosiomenenei Ebaibuli ka ainerenena ke Edeke nginiparaan Yokana 3:16

20